

雖恨悔、尙無有所益、故讀書勿倦、學文勿怠、時除眠通夜誦忍飢終日習、雖會師不學、徒如向市人、雖習讀不復、唯如計隣財、君子愛智者、小人愛福人、雖入富貴家、爲無財人者、猶如霜下花、雖出貧賤門、爲有智人者、宛如泥中蓮、

〔鸞峯文集十八〕勤學說

凡人之於業、欲成其名者、不可不勤也、不勤則不能成之、○中今人者成之少矣、麟角牛毛之譬、良有以也、其成不成者、在勤不勤而已、不敢係古今之遠近矣、驕奢放逸者、雖貴不能成之、力學篤行者、雖賤必成之、不敢係貧富之不同矣、夫以聖人者、生而知者也、然其勤益甚、所謂鷄鳴而爲善、日中不遑暇食、坐以待旦、不寢終夜思、聖人猶然、況其餘乎、及其後世者、有鑿壁者、有閉戶者、有映雪者、有聚螢者、有挾冊而收者、有帶經而耒者、有中宵爲限者、有圓木爲枕者、加旃董仲舒三年不窺園、蘇明允六年究百家、范文正之帳中如墨色、宋公庠之厠上聞誦聲、如韓昌黎尋墜緒之茫茫、爲一代之儒宗者、膏油以繼晷之所致也、如朱文公明道學之微妙、爲百世之師法者、由勿謂有來日之譬也、古人之研覃如此、故能成其業、今人不能如此、故不能成之、縱學之者多、以爲書篋者、共勤之不足也、纔學得之、則以爲自足者、遂不能成之、陶弘景以萬卷之中、不知一事、爲深耻矣、學者豈不思之乎、誠勤學之、縱雖不至超越卓爾之才、不得極其分耶、苟成其業、則幸者得富貴、不幸者雖貧賤、得守其身也、如夏桀商受者、富有四海、貴爲天子、然不得守其身也、豈不思之乎、由是思之、欲富貴者、宜勤學也、欲守其身者、又宜勤學也、故古人愛子、擇師而教之、宜哉、○中丙子之春、

〔有徳院殿御實紀附録十〕ある時、仰に○徳川凡人としても、のまなびせねば、倫理をだに辨ふる事

を得ず、あやまてば禽獸にひとしき行ひもいでくるぞかし、まして士たるものは、あげもちひらる、時は、朝政にもあづかるものなれば、ことさら文學に志すべきなり、我常に思ふ、今の世學問なきものは、人の前に出るも、おもなき様におもふ風俗になしたきものなりと、これ小納戸浦上